

TE REO MĀORI

Kaupapa Ako: Pūtaiao & Hauora: Moroiti Tahumaero me te horoi ringa	
Tau Pakeke : Tau 3 me te Tau 4	
Whāinga Ako	Kei te ako mātou ki te tuhi i ngā raupapatanga o ngā mahi Kei te whakawhānake i tō mātou puna kupu
Hononga ki Te Marautanga o Aotearoa 	Ngā Reo - Taumata 1 & 2 Te Whakawhiti Whakaaro I ngā horopaki reo, ahurea-pāpori kua tīpakohia, koinei ngā mahi ka oti i te ākonga: I runga i te tīpako me te whakamahi i te reo, i ngā tohu, i ngā tānga hei whakawhiti whakaaro te kapo me te waihanga mōhiohio
Ngā Hononga ki Te Aho Matua 	Te Ira Tāngata 1.7 He tapu te tinana o te tangata. No reira he mahi nui tera, ko te whakaako i te tamaiti ki ngā ahuatanga whakapakari i tona tinana, kia tupu ai tona hauora. Kia mohio te hunga tamariki ki ngā kai pai, ki ngā kai kino. Kia mohio hoki ki te painga o te korikori tinana, o te mirimiri tinana, o ngā rongoa a Tane Whakapiripiri. Kia kua ia e tukino i tona tinana i te tinana hoki o tetahi atu. Ahuatanga Ako 5.5 He mea tapiri atu ki te whakarongo, ko te titiro, ko te raweke, ko te makamaka patai, ko te whitiwhiti korero, ko te ata whakaaro, hei whakauru i te matau me te aroa.
Ngā Mōhiotanga o Mua 	He hokinga mahara ki ngā mahi ako i te kura mō te whakamātau putaiao. I mātakihia i te whitiāhua, i kōrerohia hoki anō i te raupapatanga o ngā mahi.
Raupapatanga Ako 	I kōrero mātou mō te whakamātau putaiao i whakahaere ai mātou mō te horoi ringa i te tīmatanga o te wāhanga. He aha te tino whainga o taua mahi, i aha mātaou i roto i te whakamātau rā. I whakaātuhia i te whitiāhua (episode 1) ki a rātou kia hoki ngā māhara mō te hunga kāore i maumahara. I āta kōrerohia anō mātou kia ū rawa ngā mahi kia pai ai te tuhi i ngā kōrero. Ko te mahi whakamutunga mā rātou he tuhi mai i te raupapatanga o ngā mahi ā pikitia mai ki ngā pukapuka me te tuku mai ki ahau ki runga o Pioioi (Seesaw).

Rauemi	Te whitiahua horoi ringa - Class OnAir - Hinewa Taurima Episode 1
Arotake	
	Kiko o te akoranga: He ngawari te kaupapa nei, ēngari he mea pai kia ū rawa te māramatanga o te whakamātau putaiao nei me ngā tino kaupapa o te horoi ringa. Te tere o te akoranga: Ahua rerekē te whakahaere i te akoranga nei i te mea i te noho taratahi mātou ki ngā kāinga nā te mate urutā. Tino pai te aronga mai o ngā akonga ki ngā mahi, ahua roa pea te noho me te kōrero mō ētahi ēngari tē taea tē whakahaere rerekē. Te puaki o ngā mahi - He ngawari tēnei nā te tokoiti ki te rōpū, ōtira ko te hunga o te rōpū he hunga kaha whakaputa kōrero, whakaaro hoki. Māramatanga ā ngā akonga- He māramatanga kē tā ngā akonga nō reira he ngawari noa te uru ki ngā mahi. Ki au nei, kua ū rawa te take me horoi ringa.